



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentarii Exegetici In Apocalypsim Ioannis Apostoli

Viegas, Brás

Parisiis, 1615

Cur Christus dicatur habere scriptum in vestimento, & femore: Rex regum
& Dominus Dominantium. Et habet in vestimento, & in femore suo
scriptum: Rex regum, & Dominus dominantium. Sectio III.

urn:nbn:de:hbz:466:1-39261

Cur Christus dicatur habere scriptum in vestimento, & femore: Rex regum & Dominus Dominantium.

Et habet in vestimento, & in femore suo scriptum: Rex regum, & Dominus dominantium.

SECTIO III.

Recolendum est ex superioribus vestimentum hoc esse eandem illam vestem I. aspersam sanguine, quam humanitatem Christi in passione cruentatam interpretati sumus. Deinde advertendum in femore Incarnationem Christi accipiendam esse. Quod ut melius intelligatur, sciendum est olim patribus veteris testamenti in more fuisse, ut femori admota manu iurarent, ut patet Genes. 24. cum Abraham dixit se tuo suo: Pone manum tuam subter femur meum, ut adiurem te per Dominum Deum caeli, & terra, ut non accipias uxorem filio meo de filiabus Chanaan eorum, inter quos habito. Sed ad istram, & cognationem meam proficiscaris, & inde accipias uxorem filio meo Isaac. Et Gen. 47. Iacob Patriarcha cum diem obitus appropinquare cerneret, vocavit filium Ioseph & dixit ad eum: Si inveni gratiam in conspectu tuo, pone manum tuam sub femore meo: & facies mihi misericordiam, & veritatem, ut non sepelias me in Aegypto: sed dormiam cum patribus meis. Iuramenti autem huius mysterium erat adumbratio incarnationis Verbi, quod per assumptam humanitatem venturus erat ex illis patribus, ut exponit D. Greg. libro. 10. epist. Itaque cum per femur iurabant per Christum nasciturum ex suis posteris, qui ab illis ex femore propagandi erant.

In femore incarnationis Verbi accipiuntur. Femori admota manu iurabant patres. Gen. 24. 2. Gen. 47. 29.

Iuramentum hoc adumbratio incarnationis. D. Greg.

Arbitramur igitur, cum Christus dicitur habere scriptum in vestimento, & in femore, Rex regum, & Dominus dominantium, illud significari, quod non solum ipsa humanitatis assumptione, & Incarnatione, que per femur indicatur; sed passione etiam, que in vestimento asperso sanguine exprimitur, sit Rex regum, & Dominus dominantium. Itaque & quia Deus homo, & quia passus, & mortuus, Rex regum, & Dominus dominantium constitutus est a Patre. Propter primum dicitur a Paulo ad Hebr. 1. Quem constituit heredem universorum. Propter secundum dicitur eiusdem epist. c. 2. Eum autem, qui modico, quam Angeli, minoratus est, videmus Iesum propter passionem mortis gloria, & honore coronatum. Et Apoc. 1. cum Ioannes Christum appellasset. Primum genitum mortuorum, statim subiunxit: & Princeps Regum terre, ut eo loco vberius diximus. Atque haec est propria, & maxime omnium germana huius loci expositio, quam disertè tradit D. Greg. hom. 13. super Ezech. Quid vestimentum tuum est, inquit, nisi corpus, quod assumpsit ex Virgine? Et de vestimento multo ante Esaias aspiciebat per Crucem passionis sanguine cruentatum dixit: Quare rubrum est vestimentum tuum, & vestimenta tua quasi calcantium in torculari? Cui ipse respondit: Torcular calcavi solus. Solus enim torcular, in quo calcatus est, calcavit, qui sua potentia eam, quam tuus passionem vicit. Nam qui usque ad mortem Crucis passus est, de morte cum gloria surrexit.

Literalis expositio, & quia Deus homo, & quia passus, regem esse. Hebr. 1. 2. & 2. 9. Apoc. 1. 5.

D. Greg. Vestimentum corpus Christi rubrum passionis. Esai. 63. 2.

Per femur propagatio carnis est. Quia ergo per propaginem generis humani, sicut generationum ordines Mattheo, vel Luca narrantibus describuntur, in hunc mundum venit ex Virgine, & per incarnationis suae mysterium, quia Rex esset, & Dominus, cunctis gentibus indicavit, in vestimento, & femore scriptum habuit: Rex regum, & Dominus dominantium. Haec ille.

D. Ambro. Secunda expositio per vestimentum sanctos, per femur humanitatem Christum intelligit.

Secunda est D. Ambrosij in comment. supra Apoc. per vestimentum sanctos, per femur humanitatem accipientis! Per vestimentum, inquit, sancti, per femur, ex quo humanitas origo procedere dicitur, homo, quem Christus assumpsit, designatur.

Per femur agnoscitur hunc esse verum Deum, qui tales seruos possidet. Habet etiam in femore scriptum, quod sit Rex regum, & Dominus dominantium: quia in operibus, qua in carne positus gessit, cognitum est hunc esse verum Dei filium. Addit Ambrosius, posse etiam per femur intelligi patris veteris testamenti, ex quorum stirpe Christus originem duxit, qui & ipsum figurarunt, & quod ipse futurus esset Rex Regum, & Dominus dominantium, apertis vocibus prædixerunt. Tertia est Pannonij: Vestimentum, inquit, à foris est, femur à natura: & Christus humanitatem à foris ex tempore quatenus persona Diuina habet, Diuinitatem autem à natura, à qua ab æterno est Deus: & neutrum horum sine dignitatis honore habet, quia ab æterno Rex.

ARGUMENTVM.

Continuatur eadem sexta visio. Ligatur Satanas mille annis, & postea iterum soluitur. Congregatur Gog, & Magog in prælium. Iudicat Christus vniuersos mortales. Regnant Sancti cum Christo. Mitritur Diabolus in stagnum ignis cum omnibus, qui non sunt scripti in libro vite.

CAPVT VIGESIMVM.

DT vidi Angelum descendente de Cælo, habentem clauem abyssi, & catenam magnam in manu sua. Et apprehendit draconem, serpentem antiquum, qui est Diabolus, & Satanas, & ligauit eum per annos mille, & misit eum in abyssum, & clausit, & signauit super illum, vt non seducat amplius gentes, donec consummentur mille anni: & post hæc oportet illum solui modico tempore. Et vidi sedes, & federunt super eas, & iudicium datum est illis, & animas decollatorum propter testimonium Iesu, & propter verbum Dei, & qui non adorauerunt bestiam, neque imaginem eius, nec acceperunt characterem eius in frontibus, aut in manibus suis, & vixerunt, & regnauerunt cum Christo mille annis. Cæteri mortuorum non vixerunt, donec consummentur mille anni. Hæc est resurrectio prima. Beatus, & sanctus, qui habet partem in resurrectione prima: in his secunda mors non habet potestatem: sed erunt sacerdotes Dei, & Christi: & regnabunt cum illo mille annis. Et cum consummati fuerint mille anni, soluetur Satanas de carcere suo, & exhibit, & seducet gentes, quæ sunt super quatuor angulos terræ Gog, & Magog, & congregabit eos in prælium, quorum numerus est sicut arena maris. Et ascenderunt super latitudinem terræ, & circumierunt castra sanctorum, & ciuitatem dilectam.

Et